

安陽縣志

五

安陽縣志卷之八

邑令襄平馬國楨纂修

藝文志 上

制誥

記敘 上卷

碑銘

詩賦 下卷

國楨曰志之有藝文存文也而非以文存也如以文而已則韓忠獻之安陽集崔文敏之後渠諸書以及操觚家摘華掞藻而以文名者指不勝屈雖汗牛其可載乎然則曷志乎爾如自有

邑以來諸凡大典禮大修建傳之簡冊勒諸貞  
珉者皆用以揚盛美紀成功也亦有人徃風微  
書缺有間而其軼乃時時見於殘碑斷碣凡若  
茲篇殆猶左氏之外傳與曷爲乎弗志至若才  
人韻士或弔古興思或觸景言志徃徃其詞傳  
而曩哲之芳踪域中之名勝亦因以俱傳又何  
可沒哉刪繁取要得其不徒以文存者若干篇  
而間以鄙作之有關於地方者附焉於以紹前

徽而昭來許或不無小補乎作藝文志

○制誥

宋仁宗進韓琦昭文館大學士制

制曰禮載六鄉而莫先冢宰書稱四輔而莫重前凝  
蓋地隆者付畀益嚴職近者責任彌大苟非全德疇  
副具瞻推忠協謀同德守正佐理功臣闕府儀同三  
司行工部尙書同中書門下平章事集賢殿大學士  
上柱國南陽郡開國公食邑六千七百戶食實封二

千二百戶韓琦有質重之資而濟之以敏有方毅之  
氣而守之以和左右歷年夙夜一節至於弛國之禁  
而惟刑之卹均民之賦而惟力之紓茲太平之本原  
實真宰之事業若時茂績宜服寵嘉是用進司寇之  
聯正中台之位監視史筆譯修梵文倍敦戶封增衍  
真賦於戲授受之際茲謂不虛譬諸濟川汝惟舟楫  
如彼作室汝惟垣墉往其欽哉祇率朕命可特授行  
刑部尙書同中書門下平章事昭文館大學士監修

國史兼譯經潤文使加食邑一千戶食實封四百戶

宋英宗封韓琦衛國公誥

公先封衛國後乃封魏

制曰王者紹景炎之序履皇極之尊永惟置器之艱  
屬在佐王之畧瞻夫上宰翼我先朝適及委裘之辰  
肆於奉瑁之始定策宗社貫心神明逮躬丕務之咨  
敢後元勳之獎首敷邦渙誕告朝倫推忠協謀同德  
守正佐理功臣開府儀同三司行刑部尙書同中書  
門下平章事昭文館大學士監修國史兼譯經潤文

使上柱國儀國公食邑八千七百戶食實封三千戶  
韓琦器博而適時道閎而濟物稟星辰之精粹會日  
月之休明歷宣外勞更倚二柄蹈喬險之一節寄安  
危之大機仰文考之知賢絕時髦而登用維召公之  
託嘗聞顧命之言維漢相之謀終應大橫之兆蓋懷  
先見者識之邃決至慮者才之英天扶不拔之基神  
贊非常之輔是用進文昌之卿序正黃闈之台府降  
以封爵之文益以戶田之數以蕃爾寵以懋爾庸於

戲天視靡私居飭有邦之畏民心曷戴一歸厥后之  
仁念先猷之不敢康顧成業之不可恃益經茂烈永  
佐昌圖可特授行門下侍郎兼兵部尙書同中書門  
下平章事昭文館大學士監修國史兼譯經潤文使  
進封衛國公加食邑一千戶食實封四百戶

宋神宗以韓琦配享英宗廟庭詔

制曰功茂者賞惟其稱德厚者報不可忘故命冊褒  
崇舊史有追封之典祀祧躋配前書存與享之文蓋



君臣之義不獨欲榮寵之於其生抑邦家之光實亦  
冀顯揚之於不朽惟時故老翼我前朝式敷誥於治  
庭肆儀圖於典禮故永興軍節度使守司徒檢校太  
師兼侍中魏國公贈尙書令韓琦才資沈偉宇量恢  
宏勇義出於至誠朴忠可以大受盡瘁於國利無知  
而不爲任重於時事雖難而必濟惠澤有加於四海  
謀猷實紀於三朝緬懷弼亮之勤重起淪亡之痛是  
用進登烈考之清祐俾序功臣於大烝上以慰祖宗

之靈下以爲忠義之勸於戲爲臣至此可無愧於前  
良與國同休庶永傳於茂烈茲惟盛美以荅元勳可  
配饗英宗皇帝廟庭主者施行

明神宗贈大學士郭朴謚文簡制

制曰聖朝優禮輔臣生有令名沒膺顯號載在令甲  
用報股肱矧若光弼兩朝茂著多勩匪示崇於褒恤  
曷彰眷於榮哀爾原任少傅兼太子太傅吏部尙書  
武英殿大學士郭朴宅心醴粹制行光明不激不隨

獨秉冲和之氣有學有識深明治理之原方其肇跡  
詞林人期公輔迨司講讀益殫謀猷品藻文場收以  
人事君之效編摩國史多讎書載筆之勤蜚聲實於  
宮坊文章有用贊秩祀於春省夙夜惟寅以故簡在  
帝心受知肅祖擢居太宰用能絀枉登良拔置台垣  
爰任調元贊化肆欽承乎末命旣明保於初年衆方  
幸老成之在朝卿獨懷盈滿而自退二十七載望侔  
河內之溫公八十三齡壽比雒陽之潞國天下想其

手采朝端藉茲典刑詎意乘箕溢先朝露睠言耆舊  
特霈恤恩是用羣祭錄檣贈爾爲太傅謚文簡錫之  
誥命於戲謝太傅韻宇沈雄勲隆晉室畢文簡行操  
端謹名重宋朝卿今何遜乎前賢此足永昭於來禩  
尙惟靈爽祗服休嘉

○記敘

記

學宮

安陽縣修學記

明

崔

銑

禮部侍郎

余聞之上者民之表也其示民不可亡其道也夫民之爲性稟於土者其質殊感於化者其尙殊成於染者其安殊反其殊而內之道者是故上之爲之也安陽遶邑也正德辛未壬申之間其民罹於虐政而畧於巨寇燕山章公來知安陽鎮靜亡擾民之芘矣章公曰未矣未矣其道之以學乎乃取帑之羨者決輕繫之贖者富民之願有獻者遂新學自門始次殿次

堂次齊次號房次學官宅次倉次庖俾諸生往業焉  
習俎豆明訓辭而民乃貴學丁丑章公晉御史人內  
臺者已踰年究陳公來守彰德握法而忘忿嫉力與  
勢抗亡所吐民乃有恃陳公曰未矣未矣其道之以  
學乎乃作尊經閣凡五楹撤東西廡而新之是時同  
知壽張王公通判鄉寧王公莒陳公推官涇楊公咸  
贊之俾諸生往業焉非六經亡所用心非孝弟亡所  
造而士知學之宗矣於乎治亂者世也邪正者學也

安危者士也東漢之士清議以格當世已士歿而國  
亡宋士放言勢能進退宰執及感似道非禮之遇雖  
其要君去國至相率而請留之賤於厮役倡丐夫道  
者中也反是未有不亡身而禍國者故先生之教曰  
禮而羣居和壹莫貴乎讓尊酒簋羞致謙而養廉卹  
童族步教讓而明順君子蹈實而遜功細人爭知而  
讓過遜功則爲和爲治爭知則爲戾爲亂遜之至讎  
敵可化爭之至父子相傷今夫悍將武人薙敵如草

一旦儀於賓贊揖以紹介僂首伏氣惴惴恐不勝故  
君子蓋已曰夫子之道忠恕而已矣銑不佞禮讓之  
風願隨吾鄉諸君邁焉章公名綸陳公名策王公名  
良弼王公名爵陟公名言楊公名天錫徵予文者教  
諭關中趙鳴鳳諸生王寅劉助也

社學記

崔銑

科舉旣久士益慕利蓋知誦讀之切於行升揚之因  
乎民者或鮮矣昔之提學河南者有克菴陳子士賢



石谷吳子元明克菴以裊身教故士敦石谷以闡經  
旨教故士良又四十餘祀而得今蕭子子雖蕭子崇  
道而善於訓厲耻而明於施故士檢彰德同知王侯  
惟屏攝政凡十閱月遵憲慶申學政防佚驗業各以  
時舉以事振已而商於僚通判王侯邢侯推官尙侯  
曰棄其志於幼而長斯責德後矣夫躬之旣儻焉而  
思閑其心紛矣夫議遂協乃區地購木修建小學其  
二居城中四關各得其一擇師選質誦誦乎至四百